

吳
詩
集
覽

吳詩集覽卷十五上

黎城靳榮藩介人輯

七言律詩五之上

過三峯藥公話舊

三峯見三峯秋曉明詩綜熊開元字元年號魚山嘉魚人天啟

乙丑進士除崇明知縣調吳江選授吏科給事中謫山西按察司簡較遷行人司副以言事廷杖削籍遣戍晚爲僧名正志字藥菴居蘇州之華山話舊見遇劉雪舫

霜落千峯曳杖尋筍與衝雨過高林埋書草沒松根史

洗鉢泉流石磴琴萬事幾經黃葉夢三生難負碧潭心

山童不省團圞話催打溪鐘夜未深

前半首過三峯藥公後半首與藥公

話舊也○王子安福會寺碑鼓奏泉流鐘鳴霜落于峯
見西田詩按曳杖字出檀弓何大復詩青山拄杖尋
筍輿見二十五日詩注衡雨見殘畫謝靈運詩高林映
窗裏左傳昭六年寺人柳乃坎用牲埋書草沒見夜
宿阜昌松根見聞台州警皮襲美詩石冷空消洗鉢
泉謝靈運詩石磴瀉紅泉黃葉兒訪吳永調三生
兒送沈友聖韓君平詩碧潭深處有潛龍儲光義詩
侍坐西山童不省見畫中九友歌龐居士語錄有男不
婚有女不嫁大家團圓頭共說無生話按字
典引此語作團圓常建詩裊裊雲溪鐘

永平田君宗周吳故學博也袁重其識之尤展成

司李其地相見詢袁年百有二矣索詩紀異并簡

展成

永平見贈杏翁永平府志昌黎縣學貢士田宗周保安衛教授按保安衛卽宣化府之保

安州蓋由吳而陞任保安耳蘇州府志田宗周崇禎四年任吳縣訓導又長州縣袁駿字垂其

〔又〕尤侗字同人一字展成號悔菴以貢謁選授
永平府推官康熙十七年以博學鴻詞召試授
檢討杜有賦
八韻紀異詩

北平車馬訪烟蘿記向夷齊廟下過百歲共看秦伏勝

一經長在漢田何知交已料滄江少耆舊翻疑絕塞多

聽罷袁絲數東望酒酣求作絳人歌

從尤展成司李起三四宗周雙舉學

博大年之意五六袁重其識之也七句相見詢袁八句
索詩○二統志永平府秦爲遼西北平二郡地白詩

烟蘿初合澗初開

〔一統志清節廟在盧龍縣西二十

里孤竹故城祀伯夷叔齊

伏勝見壽王鑑明一經

見贈蔡羽明史記儒林傳自魯商瞿受易孔子孔子卒

商瞿傳易六世至齊人田何字子莊

知交見送周子

似滄江見讀西臺記

〔晉書陳壽傳撰益都耆舊傳十

篇絕塞見送友人出塞

〔史記袁盎傳字絲

〔又高祖

吳詩集覽卷十五

二

紀酒酣高祖擊筑自為歌詩左傳襄三十年晉悼夫人食輿人之城犯者絳縣人或年長矣而往與于食疑年使之年曰臣小人也不知紀年臣生之歲正月甲子朔四百有四十五甲子矣其季於今三之一也士文伯曰然則二萬六千六百有六旬也以為絳縣師

顧西巘侍御同沈友聖虎邱卽事

見虎邱夜集圖

註就逍遙賦大風彥先才調擅諸公晴川兩岸憑欄外

雪嶺千尋攬轡中我昔楚江同宋玉君今吳市訪梁鴻

芳洲杜若無能採慚愧當年過渚宮

從顧字起三句西巘故居四句奉使

西川後半篇言已曾與九青典試湖廣而西巘獨能訪友聖於吳中以不能早知西巘為愧也湖廣通志顧如華順治五年舉人六年進士漢川人○南史何偃傳注莊子逍遙篇傳於時史記高祖紀自為歌詩曰大風起

兮雲飛揚晉書顧榮傳字彥先吳國吳人也才調見

永和宮詞史記季布傳諸公皆多季布能摧剛為柔

晴川見虎印夜集團兩岸見閬州行神注憑欄見送何

省齋雪嶺見送張玉甲于尋見盤陽行攬轡見送堵

伊令楚江見送張玉甲宋玉見宮扇援此句指九青

也卽夜集團舊遊我亦夢湘沅意越絕書吳市者春

申君所造闕兩城以為市在湖里後漢書逸民傳梁鴻

字伯鸞扶風平陵人也家貧而尚介節博覽無不通入

霸陵山中以耕織為業至吳依大家臯伯通居廡下

楚辭采芳洲兮杜若二統志渚宮在荊州府江陵縣

城內西北隅

按此詩起句言侍御貴後置酒故鄉耳蓋侍御父開

明好莊列之學見梅村所撰祠堂記侍御承其家學

皇華出使有合於鷗鵬變化之義如逍遙遊之所謂

培風風厚者而先世居吳憑眺登臨如置酒沛宮道

故舊為笑樂也然以大風為喻侍御之氣骸何如梅

村蓋亦有所諷刺與梅村顧開明祠堂記頌繡衣

驄馬聲赫都攬轡蠶叢及魚鳧嶽嶽光氣騰諫書按
行兩浙民侯蘇則侍御益賞奉使于四川浙江者故
有雪嶺
千尋語

其二

喻蜀書成楚大夫征帆萬里到江湖鄉心縹緲思黃鶴
祖德風流話赤烏問俗駐車從父老尋山着屐共生徒

君家自有丹青筆衰白追陪入畫圖

起二句由蜀入吳三句漢川四句吳

中之顧也西蠟以侍御奉使故用問俗字而第五句又
引起六句也六句有虎邱友聖在內結到作圖點染顧
字兼敘自己○漢書司馬相如傳會唐蒙使畧通夜郎
夷中發巴蜀吏卒千人郡又多發轉萬餘人巴蜀民大
驚恐上聞之乃遣相如責唐蒙等因喻告巴蜀按漢陽
楚分故云楚大夫又合用相如傳子虛為楚稱也按

征帆萬里謂自蜀而浙而吳也征帆見京江送遠圖江
湖謂三江五湖鄉心見送何省齋木元虛海賦羣仙
縹緲黃鶴見虎邱夜集圖祖德見清風使節圖赤烏
見觀象臺三國志顧雍傳字元歎吳郡吳人也雍為相
十九年年七十六赤烏六年卒顧開明祠堂記先世故
吳徙也練塘之邱隴訪求之不可復識今漢陽之顧占
名數於漢川已近百年頃日惟顧之先出自吳系分族
顯來赤烏問俗見送郭次菴漢書朱博傳博駐車决
遣如神尋山見送何省齋南史謝靈運傳登躡常著
木屐上山則去其前齒下山則去其後齒生徒見壽王
鑑明第七句暗指顧長康見洗象圖注衰白見壽
龔芝麓追陪見讚佛詩我西巒有虎邱夜集圖故末二
語及之

其三

生公石畔廣場開短簿祠荒閉綠苔山榼偶攜羣吏散

布帆無恙故人來爭傳五月登高會應改三江作賦臺

自是野王思故里可知先賞陸機才

從虎邱說起三四
是游虎邱五六鋪

敘七句點染顧字八句井及友聖○蓮社高賢傳法師
道生魏氏鉅鹿人幼從竺法汰出家入虎邱山聚石為
徒講涅槃經至闡提處則說有佛性且曰如我所說契
佛心否羣石皆為點頭廣場見虎邱夜集圖一統志
短簿祠在元和縣虎邱山麓祀晉司徒王珣謝希逸月
賦綠苔生閣山榼見歲暮送苑先張復之詩公堂羣
吏散世說顧長康賸行人安穩布帆無恙帆與颿同
漢書藝文志登高能賦可以為大夫按登高多在九
月而此於五月故人爭傳之三江見謁張石平王子
安滕王閣序登高作賦野王詳補註
野王宅在蘇州府吳江縣東別賦顧
喬本兮故里陸機見茸城行注

其四

一馬雙僮出野塘論文蕭寺坐匡床花彩堠鼓青油舫

月映行厨白石廊漫叟短歌傷老大散人長揖恕清狂

細將朋友從頭數落落申生與沈郎

原注鳧盟第一首之梁鴻第二首

之生徒第三首之陸機皆為友聖發也此首專注友聖

故從論文說起漫叟梅村自比散人指友聖結更連類

及之○子瞻司馬溫公神道碑公來自西一馬二僮野

塘見別丁飛濤論文見東萊行蕭寺見楚兩生序匡

床見贈願雲師洪希文詩堠鼓日夜鳴溫飛卿詩照

日青油濕行厨見園次罷官張承吉詩半壁石龕廊

唐書元結傳常以漫叟自稱短歌見短歌老大見送

何省齋補註唐書陸龜蒙傳字魯望時謂江湖散人

長揖見哭志衍左太冲魏都賦僕黨清狂落落見石

公山一統志中涵光字鳧盟永年人佳廕子明末以貢

入太學與殷岳張渭稱畿南三才子按

申生字借用左傳沈郎字借用沈約傳

三國志注引吳錄華歆見沈友而異之
曰沈郎可登車語乎此在休文以前者

贈松江郡侯張升衢
原注從江寧遷任 按江寧府志康熙初年管糧同知張

雲路直隸

冀州舉人

石城門外水東流簫鼓千人最上頭
二陸鄉園江畔樹

三張詞賦郡西樓油幢置酒尊鱸夜
畫舫鈎簾杭稻秋

聞道青溪行部近兒童欣喜使君游
起結皆用江寧地

四句張姓五六鋪敘不作溢美語末二句暗用郭伋事

蓋青溪江寧地故在松行部而江寧人喜也○石城見西泠閣詠 簫鼓見圓圓曲古樂府東方子餘騎夫婿

居上頭 二陸三張見送子椒青瑠 油幢見授贈馬公置酒見送子椒青瑠尊鱸見贈馮訥生注 畫舫見贈文園公杜詩鈎簾宿鶯起杭稻見閭園詩 青溪見

贈蔡羽明後漢書郭伋傳字細侯爲并州牧行部西河數百兒童各騎竹馬迎拜

贈松郡副守涪陵陳三石

原注官董漕一統志涪州在重慶府東少北

三百十里晉永和中移涪陵郡於此松江府志管糧同知陳計長三石四川涪州人舉人前徽

州府通判康

熙元年任

獨上高城回首難揚雄老去滯微官湖天搖落雲舒卷

巫峽蕭森路折盤甘載兵戈違故里于村輪輓向長安

京江原是三巴水莫作郾筒萬里看

此首多從涪陵着筆高城指松郡回

首則望蜀也揚雄蜀人故以爲比三句指松郡是高城之所見四句指涪陵是回首之所思五句就老去而申言之六句點明董漕就微官而寔指之也七八合松涪而一之以廣其意結構人妙張如哉曰亦暗用京口酒

可飲意○皇甫茂政詩高樓獨上思依依 楊雄見又
詠古注微官見歎王子彦 湖天見王文恪墓搖落見
讀佛詩雲舒卷見壽繼起 杜詩巫山巫峽氣蕭森張
平子南都賦怨西京之折盤 故里見虎邱卽事 于
村見閬州行漢書張良傳河渭漕輓天下西給京師
京江見遺悶三巴見虎邱夜集圖 郢筒見送志衍入
蜀萬里橋 詳驪山

按前漢地理志廣漢郡有涪縣巴郡有涪陵縣蓋皆
涪水之所經而異其名耳一統志以涪州爲漢之枳
縣晉移涪陵郡於此然前漢枳亦屬巴郡則不知漢
之涪陵故城何在矣一統志涪城廢縣在潼川府三
臺縣西北本漢涪縣
地此則廣漢之涪也

贈松郡司李內江王擔四

一統志內江縣在四川
資州東南九十里松江

府志王于蕃媚田四川內江人舉人前蘇州府
推官康熙元年補任梅村御史王慕吉墓誌擔

四司李吾蘇未
及任而君計

十月江天曉放衙
葺城寒發錦坡花
金隄更植先人柳

玉壘重看使者車

原註交侍御治京口湖隄

庾嶺霜柑書憶弟

原注弟與

東曲阿春釀夢思家

原注侍御避亂僑居丹陽

詩成別寫鴛溪絹廳

壁風簾靜墨斜

原注善寫竹

此首以鋪敘周到為工

城見葺城行錦城見哭志衍

金隄見行路難一統志

京口關在鎮江府丹徒縣西北稱村王墓古墓誌君諱

範字君鑑一字心矩辛未進士丹陽令復練湖以濟漕

修湖隄之已壞者一千一百七十餘丈

隄成植以榆柳

稱旨得御史今司李歲護江南之漕達於淮道經丹陽

望練湖而思先德則我四郡之人咸食其利

玉壘見

維感其三

嚴子羽詩

秦官使者車

庾嶺見歎王子

彥蘇詩留客薦霜柑杜詩思家步月清宵立憶弟看雲

白日眠王墓古墓誌于宣寧之三水令（一統志）三水縣
 在廣州府西北百七十里（大康地記）曲阿本名雲陽
 秦始皇以有王氣鑿北阮山以敗其勢截其直道使其
 阿曲故曰曲阿齊民要術冬釀十五日熟春釀十日熟
 晉書郗愔傳京口酒可飲王墓古墓誌張獻忠破夔門
 君知蜀必不守央策避地崎嶇滇黔蠻徼中提百口入
 吳丹陽之人問其至也爭願割田宅贍君君謝弗受
 鷺溪絹兒清風使節圖（歷壁見）送沈旭輪謝希逸月
 賦風草成韻陸務觀
 詩醉手題詩淡墨斜

贈彭郡丞益甫

松江府志海防同知彭可謙益甫
遼東杏山人貢士直隸大名府通

判康熙
元年任

樓船落日紫貂輕坐嘯胡床雁影橫雨過笛生黃歇浦

花開夢遶發干城

（原注）舊
棠邑令

龍蛇絹素爭搖筆

（原注）善書
松杏

山河已息兵

原注杏山人

慷慨與君談舊事夜深欣共酒盃

傾

意到筆隨惟熟於詩者能之○樓船見堇山兒了紫貂見送楊猶龍坐嘯見寄周芮公胡床見楚雨生

行雁影見海戶曲

黃歇浦見贈陸生春申浦注華亭

縣志今吳淞江流與浦合其出海之口雖名吳淞江寔

黃浦口也

漢書地理志東郡發于縣一統志發于故

城在東昌府堂邑縣西南堂邑縣在府西四十里山東

通志彭可謙順治五年知堂邑縣擢本府屯田同知授

棠邑應作堂左傳隱公矢魚于棠今魚臺縣屬兗州府

曹堯賓詩大篆龍蛇隨筆札絹素見送沈釋堂拙筆

見送徐次桓松杏山河見贈遼左故人舊事見東

臯草堂歌

夜

深見題北歸草

十月下潞偕九日過雲間公譙閭石蒼水齋中同

文饒諸子

字典俗以上潞中潞下潞爲上旬中旬下旬楊升菴曰本唐官制十日一休沐

今襲用之或省作浣 九日見東許九甘雲間
見哭志衍南史王筠傳每公宴并作詩辭必妍
靡梅村董蒼水詩序孝廉蒼水偕其兄進士君
閩石俱以才名顯其鄉 國朝詩別裁集董含
字閩石江南松江人順治乙未進士著有藝葵
詩集董俞字蒼水順治庚子舉人有浮湘度嶺
諸稿嘉定縣志趙俞字文
饒戊辰進士知定陶縣

百里溪山訪舊遊南皮賓客盛風流文章座上驚黃絹

名字人間愧白頭董相園開三徑夜陸生臺在九峯秋

酒酣莫話當年事門外滄江起暮愁 前半首公譙五句
董齋六句雲間結

入感歎○溪山見避亂舊遊見虎邱夜集圖 南皮見

癸巳禊飲 世說魏武嘗過曹娥碑背上見題作黃

絹幼婦外孫鑿白八字楊修曰黃絹色絲也於字爲絕

幼婦少女也於字爲妙 杜詩遠愧梁江總還家尚黑

頭董相見九峯草堂歌漢書董仲舒傳下帷講誦蓋三年不窺園三徑見遣問陸生見贈陸生九峯見九峯草堂歌按此指陸機讀書臺也酒酣見贈田宗周滄江見讀西臺記祖詠詩悽然多暮愁
按宋荔裳蒼水詩序江南逋賦之獄紳士同日除名者萬餘人蒼水與其禍故此首結句其二之第四句皆微及之

其二

霜落南樓笑語清無端街鼓逼嚴城三江風月尊前醉
一郡荆榛笛裏聲花滿應徐陪上譙歌殘嵇阮隔平生
歸來枕底天涯夢喔喔荒雞已五更此詩於公譙中兼懷舊之意接前首
結句說下應徐承三句嵇阮承四句○李詩霜落荆門煙樹空南樓見送志衍入蜀
唐書百官志左右街使

掌分察六街徽巡五更三點鼓自內發諸街鼓承振坊市門皆啟嚴城見石公山 三江見送張石平風月見

題半園 韋應物詩一郡荆榛寒雨中 杜詩三年笛

裏關山月 三國志王粲傳北海徐幹字偉長汝南應

瑒字德璉 歌殘見臺城嵇阮隔平生見苑先齋中注

荒雞喔喔見九峯草堂歌杜詩遮莫鄰雞下五更

贈松江別駕日照安肇開 晉書職官志州置刺史別駕治中從事諸曹從

事等員一統志日照縣在

沂州府東二百四十里

秋盡西風髣髴蒼伏生經術蓋公堂雞聲日出秦祠遠

鶴唳江空禹蹟荒二水涵澗杯酒合三山樓觀畫圖裝

歸來好啗安期棗不夜城頭是故鄉 中興句松江日照對說起結多從日

照生情 李長吉詩春風吹髣髴 伏生見壽王鑑明

漢書翟方進傳當以經術進蓋公見讀史雜詩 雞聲

日出見送詹司李史記封禪書八神七曰日王祠成山
鶴唳見葦城行禹蹟見讀西臺記張如哉曰呂氏
春秋白公曰若以水投水奚若孔子曰淄澠之合者易
牙嘗而知之一統志淄水源自青州府博山縣顏神鎮
東南二十五里岳陽山東麓經壽光縣東北界合清水
泊入海澠水即系水分流也西北至博興縣東南入時
水水系水在臨淄縣西按杯酒合用有酒如澠詳贈園次
三山見海戶曲後漢書梁冀傳繕修樓觀數年乃成
張如哉曰二水三山借用李詩史記封禪書少君言
於上曰臣嘗游海上見安期生食巨棗大如瓜安期生
僊者不夜
城見朝日壇

滇池鑊吹

漢書地理志益州郡縣滇池一統志滇

南府城

南古今樂錄漢鼓吹鑊歌十八曲樂府

詩集唐鼓吹鑊歌十二曲柳宗元作宋史樂志

姜夔作聖宋鑊歌曲凡十四篇古今注短簫鑊

歌軍樂也黃帝使岐伯所作所以建武揚德風

勸戰
土也

碧雞臺榭亂雲中舊是梁王避暑宮銅柱雨來千嶂洗

鐵橋風定百蠻通朱鳶縣小輸賓布白象營高掛柘弓

誰唱太平滇海曲檳榔花發去年紅

此雲南初定時作中四鋪敘起結相

應俱以偉麗爲工

○碧雞見沈象圖書惟宮室臺榭黃

魯直詩何如零落亂雲中

明史梁王傳梁王把匝瓦

爾密元世祖第五子雲南王忽哥赤之裔也封梁王仍

鎮雲南順帝北去大都不守中國無元尺寸地而王守

雲南自若執臣節如故雲南通志梁王宮在雲南府城

中元把匝刺瓦爾密建明初爲岷王府今廢王僧孺詩

回輿避暑宮

銅柱見送顧倩來徐文長詩推牛千嶂

外騎象百蠻中張如哉曰第三句用武王雨洗兵事

一統志鐵橋城在麗江府舊巨津州北一百三十里鐵

橋南吐蕃嘗置節度於此百蠻見送杜崱武

漢書地

理志交趾郡朱獻縣一統志交趾日南九真卽今安南
國地載作雋後漢書南蠻傳秦始置黔中郡漢興改爲
武陵歲令大人輸布一疋小口二丈是爲賁布說文蠻
夷賁布卽今之桑布也白象營見洗象圖注杜詩天
山早掛弓考工記弓人取幹之道柘爲上一李才江詩
猶唱開元太平曲楊升菴有滇海曲一統志元江府
土產檳榔一名仁頻樹高數丈旁無枝附正月
作房四月開花房百餘寔杜詩花發去年叢

按一統志順治十五年宗室鑲藍旗都統羅托以寧
南靖寇大將軍督師取黔旣而王師進滇遂定
西南而康熙七年日文焜爲雲貴總督時吳三桂逆
節已萌此詩所詠其在十五年以後七年以前歟誰
唱太平滇海曲檳榔花發去年紅蓋爲滇人危之也
第二句用梁王字非以梁王許吳逆蓋以見滇池錫
封不可不慎爾八旗通志康
熙十二年雲南逆藩吳三桂叛

其二

苴蘭城闕鬱岩堯貝葉金書使者朝海內徵輸歸六詔

天邊勳伐定三苗魚龍異樂軍中舞風月蠻姬馬上簫

莫向昆明話疏鑿道人知已刳灰消

第三句見取雲貴之難第四句見定

雲貴之盛末二句直欲喚醒吳逆諸人更與風雲月露

之辭不同○華陽國志楚頃襄王時遣莊躡伐夜郎軍

至且蘭杯船於岸而步戰既滅夜郎以且蘭有桵船牂

柯處乃改其名爲牂柯一統志貴州平越府秦爲且蘭

地漢爲牂柯郡治我苴字應作且且音苴雲南通志苴

蘭城一名穀昌在昆明城北十餘里楚莊躡築宋延清

詩驚嶺鬱岩堯

貝葉見贈蒼雪金書見送張玉甲貝

多羅汪

史記平準書置平準於京師都受天下委輸

滇載記語謂詔爲王其一曰蒙舍詔今蒙化府其二曰

浪施詔今浪穹縣其三曰鄧賧詔今鄧川州其四曰施

浪詔今浪穹縣蒙次和之地其五曰靡步詔今麗江府

其六曰蒙雋詔今建昌

韓詩竹帛爛勳伐

漢書西

域傳贊作曼衍魚龍角觝之戲以觀視之史記項羽紉
項莊曰軍中無以為樂請以劍舞風月見題半園
昆明見贈蒼雪郭景純江賦巴東之峽夏后疏鑿曹
昆志怪漢武鑿昆明池極深悉見灰墨無復土至明帝
時外國道人入洛問之胡人曰經云
天地大劫將盡則劫燒此劫燒之餘

其三

靄翠奢香祠總荒蘆笙吹徹瘴雲黃縱擒有策新疆定

叛服何常舊史亡

常集作嘗

鬼國三年勞薄伐

王師五月

下殊方瀾滄肯為他人渡不許窺人有夜郎

按一統志順治十五

年夏四月

王師定黔而定滇又在定黔之後故有

五月殊方之語叛服何常似亦為吳逆而發○一統志

奢香驛在貴州大定府黔西州境乍合關南奢香水西

香宣慰靄翠妻翠死香代立總其眾時都督馬瑛守貴

吳詩集覽

卷十五

上

士

州欲盡滅諸羅以爲郡縣會香有罪裸撻之欲以激諸
羅諸羅果怒思反香止之遂與子婦奢助來朝自陳守
土功及馬葉罪狀願刊山開驛以供往來於是遂殺馬
葉封香爲順德夫人厚賚遣還唐書禮樂志高麗伎
有蒹蘆笙丹鉛錄宋乾德中牂牁入貢召見令作本國
歌舞一人吹瓢笙名曰水曲卽今蘆笙也李後主詞小
樓吹徹玉笙寒杜詩瘴雲終不滅江詩黃雲蔽千里
蜀志諸葛亮傳注聞孟獲者爲夷漢所服募生致之旣
得縱使更戰七縱七擒而亮猶遣獲獲止不去曰南人
不復反矣儒光義詩辛苦讀舊史易高宗伐鬼方
三年克之一統志貴州商周爲鬼方地詩薄伐玁狁
出師表五月渡瀘殊方見讚佛詩唐書張柬之傳漢
歷博南山涉蘭滄水更置博南哀牢二縣蜀人愁苦作
歌曰歷博南越蘭津度蘭倉爲他人一統志瀾滄江源
出西番鹿石山東南流入麗江府至鎮沅府東南
流出徼外交阯界入南海 夜郎見訪文學博

其四

盤江西遶七星關可渡河邊萬仞山隴上舊傳收白帝

南中今喜定烏蠻龍坑壯馬看馳驟雞足高僧任往還

辛苦武侯停節處殘碑零落草班班

第三句以收川伴說第四句點入滇

池五句指貴州六句指雲南結句懷古兼美督師諸公

○一統志盤江在貴州大定府威寧州西一百五十里

出亂山中流經州南謂之可渡河又東南爲七星關河

折而南入雲南霑益州界七星關在大定府畢節縣西

九十里七星山上關常雲貴川三省之交爲喉吭之要

王之渙詩一片孤城萬仞山

王詩隴上行人夜吹

笛白帝見送志衍

漢晉春秋

諸葛亮在南中所在戰

捷至滇池南中平皆卽其渠帥而用之杜詩絕塞烏蠻

北一統志養龍坑在貴州長官司兩山之中浚渟淵

深蛟龍寔藏其下富春始和夷人立坑畔擇牝馬之貞

者繫之已而雲霧晦冥類有物蜿蜒跨馬腹上迨聞霹

視馬旁之沙有龍跡者產必爲龍駒莊子馳之驟之整

之齊之一統志雞足山在大理府東北百里賓州鄧
州二州之界一頂而三足故名雞足山頂有迦葉石門
洞天謂此山乃佛大弟子飲光迦葉守佛衣以候彌勒
處往還見雪中遇獵一統志武侯祭星壇在威寧州
東南七星關上七星營在畢節縣西九十里通志諸葛
武侯於此禡牙址尚存按停節卽駐節駐節見投贈馬
督府殘碑見讀佛詩戴幼公詩滿崖霜樹曉班班一
統志武侯碑在大定府畢節縣北一百二十里通志相
傳武侯征南時所立
歲久磨滅不可讀

按雲南通志順治十五年命安遠靖寇大將軍信郡
王鐸尼征南將軍固山趙布太由廣西平西王吳三
桂定西侯墨勒根都統李國翰出四川三路取滇十
六年二月由榔入緬甸六月命洪承疇至滇南議進
緬機宜十八年五月定西將軍愛星阿至滇大兵凱
旋此詩蓋十八年凱旋時梅村在江南擬作而第一
首結句若預知吳逆有康熙十二年十二月之變者
太白能知汾陽之忠梅村能料吳逆之叛孰謂詩人

無益於國是哉

儒將

儒將見九峯歌

河朔功名指顧收身兼使相領諸侯被兵白道調神鵲

挾妓青山駕快牛論敵肯輸楊大眼知書不減范長頭

宅年信史推儒將馬稍清談第一流

此首亦贈人之作但未顯其姓氏耳

儒字將字分合入妙

晉書溫嶠傳

劉琨曰吾欲立功

河朔指顧見送耿中丞

宋史曹彬傳上謂曰本授卿

使相然劉繼元未下姑少待之賜彬錢二十萬未幾拜

樞密使

宋書武帝紀我按兵堅陣勿與交鋒遼史地

理志西京大同府統州二宏州有桑乾河白道泉德州

有白道坂一統志白道在歸化城北元詩養禽當養鵲

按挾妓用謝安事李詩謝公自有東山妓世說王愷

有牛名八百里駉又石崇牛數十步後迅若飛禽北

史楊大眼傳武都氏難當之孫當世推其驍果以為關張弗之過也梁書張齊傳手不知書南史范岫傳范雲謂人曰諸君進止威儀當問范長頭以岫多識前代舊事也信史見過姜如農馬稍清談見哭志衍第一流見贈劉虛受

俠少俠少見王郎曲

寶刀千直氣凌雲俠少新參龍武軍柳市博徒珠勒馬

柏堂爭妓石華裙招權夜結金安上挾策朝干王長君

堪笑年年秘書客白頭空守太元文描寫俠少結用對照更佳○寶刀見

行路難千直見閭園序注漢書司馬相如傳飄飄有俊雲之氣龍武見即事第六首漢書萬章傳長安職

盛街間各有豪俠章在城西柳市吏記信陵君傳公子聞趙有處士毛公藏於博徒珠勒見謁張石平洛陽

伽藍記河間王琛最爲豪首常與高陽爭衡造文柏堂
置玉井金罐以五色絲續爲繩妓女三百人盡皆國色
爭妓見茸城行飛燕外傳飛燕與妹坐誤唾其袖合德
曰姊唾染人紺碧正似石上花乃號石花廣袖按此借
用若以爲石榴裙則榴花無言石花者矣漢書李布
傳辨士曹邱生數招權顧金錢注招求貴人威權因以
請託又金曰碑傳倫子安上始貴顯封侯安上字子侯
莊子則挾策讀書漢書鄒陽傳梁孝王令人刺殺爰
盎上疑梁殺之孝王恐誅令陽求方畧解罪于上者陽
素知齊人王先生多奇計王先生曰子行必往見王長
君士無過此者矣鄒陽至長安因客見王長君長君者
王美人兄也後封爲蓋侯鄒陽乘間請曰長君誠能精
爲上言之得毋竟梁事長君必固自結于太后太后厚
德長君入于骨髓而長君之弟幸于兩宮金城之固也
長君曰諾乘間入而言之事果得不治陶秀實詩堪
笑翰林陶學士年年依樣畫葫蘆唐書李邕傳願一見
秘書太元

見行路難

山居卽事示王惟夏郁計登諸子

惟夏計登并已見

灌木清漳五畝居山菰簷果釣竿魚金龜典後頻賒酒

麈尾燒來爲著書對客好穿高齒屐出門常駕短轅車

陸倕張率呼同載三月江南正祓除

名士風流與梅村一首相仿結句點

出王郁諸子

○詩集于灌木清漳見松鼠

南史周顒

傳王儉謂曰卿在山中何所食曰春初早韭秋末晚菘

白詩秋雨簷果落釣竿見簪清湖太白對酒憶賀監

詩序太子賓客賀監於長安紫極宮一見呼余爲謫仙

人因解金龜換酒爲樂

路難高齒屐見六真歌方禪注

短轅見贈遼左故人

人南史陸倕傳字佐公與樂安任昉友及昉爲中丞

簪裾輻奏預其燕者號曰龍門之遊又張率傳字士簡

與同郡陸倕陸厥幼相友狎嘗同載詣左衛將軍沈約

遇任昉在焉約謂昉曰此二子後進才秀皆南金也卿

可識之由此與昉友（周禮春官女巫巫掌歲時祓除釁浴注歲時祓除如今三月上巳如水上之類）

九峯詩

見九峯草堂歌

鳳凰山

松江府志鳳凰山在郡城之北圖經云以其據九峯之首延頸舒翼宛若鳳翥

故名

碧樹丹山千仞岡夫差親獵雉媒場五茸風動琅玕實

三泖雲流沆瀣漿鳥聽和鳴巢翡翠花舒錦翼照文章

西施醉唱秦樓曲天半吹簫引鳳凰

從鳳凰字點染山字是取別徑法○

西都賦珊瑚碧樹周阿而生丹山見雞山賈生弔屈原文鳳凰翔于千仞兮左太冲詩振衣千仞岡第二句見茸城行五茸見茸城行嵇叔夜詩朝食琅玕實夕飲玉池津一統志泖湖在松江府金山縣西北婁縣

西青浦縣西南一名三茆晉陸機云三茆之水冬溫夏涼是也按雲流出潘安仁螢火賦曹詩帶我瓊瑤珮漱我沆瀣漿
左傳莊二十二年鳳凰于飛和鳴鏘鏘杜詩江上小堂巢翡翠
李正已詩山雞錦翼豈鳳凰李巨山詩有鳥居丹穴其名曰鳳凰九苞應靈瑞五色成文章
李詩西施醉舞嬌無力李詞秦娥夢斷秦樓月
第八句見青門曲題注
梁簡文帝詩穿雲天半晴

庫公山

一統志庫公山在松江府福泉縣南與陸寶山隔溪相對昔有庫公隱此故名

池北偶談松江有庫公山庫音舍字書注姓也九峯草堂歌序有庫將軍兵書鐵鎖

庫公石礮掩莓苔千載陰符戰骨哀鐵鎖任從田父識

玉書休爲道人開三分舊數江東望二俊終非馬上才

恨殺圯橋多授受鬪它劉項至今來

此首俱從兵書鐵鎖生情前四句實

叙後四句以議論行之點染生動○唐書禮樂志石臧以方石再累皆方五尺厚一尺刻方其中以容王匱莓苔見遇劉雪舫陰符見送杜欽武戰骨見蟋蟀盆歌〔杜詩〕鐵鎖高垂不可攀田父見牛〔黃庭內景經〕思咏玉書入上清采邕詩玉書無事莫頻開道人見西田詩〔杜詩〕功蓋三分國後出師表孫策坐大遂并江東〔晉書〕陸機傳與弟雲俱入洛造張華華曰伐吳之役利獲二俊〔史記〕陸賈傳高帝罵之曰廼公居馬上而得之安事詩書〔北橋〕見又咏古〔李詩〕張良未遇韓信貧劉項存亡在兩臣

神山

〔九峯草堂歌序〕明初彭素雲仙翁修直此山微書至而蛻去丹井尚存金蛇著異故

名神龕

峯焉

紫蓋青童白鹿巾細林仙館鶴書頻洗來丹井千年藥蛻去靈蛇五色鱗洞起春雲招勝侶潭空秋月證前身

赤松早見留侯志何况商顏避世人

此首前半皆咏彭仙翁事後半就彭

仙翁作咏歎也○陸士龍泰伯碑吳啟金車晉遷紫蓋

李詩倚樹照青童張如哉曰童應作幢韓詩青幢紫蓋

立童童南史何點傳梁武帝手詔論舊賜以鹿皮巾

細林山見九峯草堂歌序梁簡文帝神山銘序自古神

仙行往托跡北山移文鳴騶入谷鶴書赴隴沈藥見

閬園序丹井見閬園詩楚辭靈蛇吞象厥大何如

春雲見送黃子羽錢浦細林八詠序有石洞窮而深雲

出其中為洞口春雲有溪潭澄澈如鑑人于此泛月為

西潭夜月空潭見謁劉公前身見寄懷陳直方赤松

句見寄當事諸老漢書溝洫志注師古曰商顏商山

之顏譬人

之顏顏也

余山

見九峯草堂歌序松江府志余山在廬山東北由神山塘折而東舊傳有余姓者養

道於此故名按吳興志亦有余山上有

東漢余將軍廟好事者遂指此為東余

溪堂剪燭話徵君通隱昇平半席分茶笋香來朝命酒

竹梧陰滿夜論文知交倒屣傾黃閣妻子誅茅住白雲

處士盛名收不盡至今山屬余將軍

此首就仲醇興感末句點化余字○

溪堂見送周子俶剪燭見遇劉雪舫徵君見九峯草堂歌通隱見西余山祠昇平見琵琶行史記張詠傳願

分華山一半席可乎

〔一統志〕余山土宜茶產笋香如

蘭命酒見贈杏翁

竹梧見閬園詩論文見東萊行

知交見送周子俶

〔三國志〕王粲傳蔡邕聞粲在門倒屣

迎之黃閣見純祐浙中藩幕

誅茅見九峯歌序住白

雲見壽王鑑明詩

盛名見礬清湖

艮齋雜說縻道人大隱余山與董宗伯齊名遠而土

司酋長丐其詞章近而茶館酒樓懸其畫像然俯仰

之間已爲陳跡徵君故宅他人是保而書床藥竈不

可復問矣語云身將隱焉用文之噉名之不足恃如

此

薛山

松江府志薛山在佘山東中限一水吳地記昔薛道約居此因名

薛公高臥始何年學士傳家有墓田枉自布衣登侍從

長將雲壑讓神仙坐來石榻蒼苔冷採得溪毛碧藕鮮

最愛玉屏山下路月明橋畔五湖船

前半首薛山故事後半首薛山風景

○薛公字出史記信陵君傳此借用高卧見退谷歌

傳家見觀通天帖墓田見青門曲布衣見送沈繹堂

侍從見東萊行李詩雲壑借巢夷少陵遺句拂石

坐來衫袖冷石榻見六真歌蒼苔見讚佛詩左傳隱

三年澗谿沼沚之毛碧藕見無題松江府志山下有羅

池產藕甚佳玉屏見九峯歌序一統志祥澤橋在

福泉縣東南東北通上海嘉定

西北通青浦崑山最為要道

機山見九峯草
草堂歌

兼葭滿目雁何依
內史村邊弔陸機
豪士十年貪隱遯
通侯三世累輕肥
江山麗藻歸文賦
京洛浮沉負釣磯

白裕未還青蓋遠
辨亡書在故園非

此首尚論士衡○詩兼葭蒼蒼杜詩

滿目悲生事王無功
詩徒倚欲何依

一統志婁縣有

平原村亦以機為平原內史也

晉書陸機傳齊王冏

既矜功自伐受爵不讓
機惡之作豪士賦以刺焉
隱遯

見避亂張如哉曰晉太康元年滅吳至太康十年機雲

入洛是十年隱遯也機傳祖遜吳丞相父抗吳大司

馬按三國志遜封江陵侯子抗襲爵抗子晏嗣晏機之

兄故去通侯三世也又機亦賜爵關中侯杜詩江山

故宅空文藻機傳辭藻宏麗按士衡有文賦陸士衡

詩京洛多風塵素衣化為緇杜詩見扶立釣磯按機傳

太康未與弟雲俱入洛時中國多難顧榮戴若思等咸

勸機還吳機不從此京洛浮沉也華亭鶴唳豈可復聞
此負釣磯也機傳成都王穎使收機機釋戎服著白
袷三國志孫皓傳注引于寶晉紀庚子歲青蓋當入洛
陽機傳以孫氏世在吳孫皓舉而棄之遂作辨亡論
二篇

橫雲山

一統志橫雲山在
松江府婁縣西北

橫雲插漢領諸峯雨過泉飛亂壑松赤壁豈經新戰伐

丹楓須記舊遊蹤祠荒故相江村鼓客散名園蘭若鐘

莫信參龍雲不去此山雲只爲人龍

原注山有龍母祠
又陸雲故宅此

首鋪敘周匝土龍只於結句點出

○水經注連山插漢

秀木于雲

松江府志小橫山在橫雲東絕頂至東北

皆峯巒隱起壁立數仞色盡赭遊人呼爲小赤壁戰伐

見觀通天帖

杜詩背日丹楓萬木稠

故相見王文

洛墓松江府志頤浩講寺在金澤鎮萬歷五年徐文貞
階以賜袞留鎮山門乃於殿西北作樓三楹貯之莫方
伯如忠題曰有袞樓江村見磐清湖九峯草堂歌序
橫雲爲李氏園劉文房詩猿啼客散暮江頭杜詩名園
依綠水唐會要官賜額爲寺私造者爲招提蘭若若音
惹參龍見九峯歌輿地紀勝橫雲山頂有白龍洞下
通澱山湖人龍見贈文
園公晉書陸雲傳字士龍

天馬山

原注一名于山
見九峯草堂歌序

龍媒天馬出昆崙青海長留汗血痕此地于將騰劍氣

何來逸足鑱雲根石鯨潭影秋風動

原注山有二
石魚飛去鐵笛

江聲夜雨昏

原注鐵
崖壑處

芻秣可辭銜勒免空山長放主人

恩

敘述妙矣結又入妙令人于言外得之○龍媒見馬
草行出昆崙見次劉相國韻青海見贈吳雪航李

義山詩運去不逢青海馬汗血見秦駝呂氏春秋陽
日干將陰曰莫邪杜蕃劍詩虎氣必騰上一統志相傳
干將鑄劍於此故名魏伯起詩劍氣不關吳謝希逸
舞馬賦載追電之逸足雲根見石公山杜詩石鯨鱗
甲動秋風綦母孝通詩潭影竹間動松江府志干山頂
有雙石魚相傳風雨化去鐵笛見過鐵崖墓芻秣
見廐里家語夫德法者御民之具猶御
馬之有銜勒也主人恩見東臯歌

小昆山

一統志崑山在松江府婁縣西北松江府志俗指馬鞍為崑山而以此為小崑

山

積玉昆岡絕代無讀書臺上賦吳都君臣割據空祠廟

家國經營入畫圖勢去河橋悲士馬詩成山館憶尊鱸

傷心白壁投何處汗簡淒涼陸大夫

張如哉曰第三句指辨亡論第四句

就傳中負其才望志匡世難說末二句言委身於成都
王穎如夜光暗投卒以河橋之敗為孟玖牽秀所誅見
殺于穎而惜之也○陸機傳葛洪稱機文猶元圃之積
玉無非夜光焉其宏麗妍瞻英銳漂逸亦一代之絕乎
昆岡出周書松江府志二陸故居在崑山之陰相傳
二陸草堂在圓智寺為士衡讀書處左太冲有吳都賦
按此指辨亡論也亦翻用左思傳三都賦出機歎伏駿
筆事杜詩三分割據紆籌策又舊俗存祠廟一統志
輔國將軍廟在華亭縣治西南祠吳陸遜陸抗二俊祠
在婁縣西北崑山上祀晉陸機陸雲河橋見茸城行
士馬見訪吳永調山館見蟋蟀盆歌尊鱸見贈馮訥
生注孟詩白璧無瑕玷汗簡見圓圓曲注梁書任
助傳陸大夫
燕喜西郊

送贛州曾庭聞孝廉移家寧夏

一統志寧都州在贛州府東北三百

二十里寧夏府在甘肅布政使司東北九百四
十里國朝詩別裁集曾曉初名傳燈字楚田

後更名畹字庭聞江西寧都人順治丁酉舉人

十年走馬向天涯回首關河數暮鴉大庾嶺頭初罷戰
賀蘭山下不思家詩成磧裏因聞雁書到江南定落花

夜半酒樓羌笛起軟裘衝雪踏鳴沙

中四句贛州寧夏分寫起結暗寫送

字○高逵夫詩門柳蕭蕭噪暮鴉

庾嶺見嘆王子彦

賀蘭山見雪中遇獵磧裏詳出塞杜彥之詩蒹葭
月冷時聞雁杜詩書到汝為人又自是江南好風景
落花時節又逢君王之渙詩羌笛何須怨楊柳軟

裘見雪中遇獵馬虞臣詩馬頭衝雪度臨洮
一統志鳴沙故城在寧夏府中衛縣東

贈何匡山

嘉定縣志何平字匡山先世自宋時居
婁塘明中葉徙居京師工詩崇禎庚辰

進士任高密知縣入國朝歷官
福建叅議罷官後攜家歸故里

早年納節臥滄浪回首風塵髮髮蒼陶令軍營姑孰口

原注大兵收溧

謝公游墅石門莊

原注後僑寓溧陽太

陽叅其軍事

白所謂石門精舍即

其地

山田種罷輸常稅

集作嘗非

海國歸來認故鄉

原注何本膠城

人今

二月村居春雨足官梅花發為何郎

鎔鑄人妙丹頭在手瓦礫

皆金也○納節見清風使節圖滄浪見礬清湖

杜詩

回首風塵甘息機岑參詩鬢毛颯已蒼

姑孰見鍾山

晉書陶侃傳遣將軍宋夏陳修據湓口侃以大軍繼進

旋巴陵鎮武昌封長沙其地皆不在姑孰而侃為太尉

其時公不稱令也張如哉曰陶令指淵明淵明再為鎮

軍建威叅軍乃劉裕幕府也裕討桓元在義熙元年前

時桓元篡逆後還鎮姑孰故云按一統志溧陽縣在鎮

江府西南二百四十里而江寧溧水縣漢溧縣地溧水

與當塗連界故以姑孰字代溧陽耳謝靈運遊名山

志石門澗六處石門溯水上八兩山口兩邊石壁右邊

石巖下臨澗水按靈運有登石門最高頂一首夜宿石門一首又石門新營所住四面高山迴溪石瀨茂林修竹一首所云躋險築幽居披雲臥石門者卽石門精舍

後漢書淳于恭傳家有山田果樹常稅見贈馬督府
按太倉州境俱東濱海故曰海國一統志 廖城在太倉州嘉定縣南門外唐有廖城鄉村居見百草堂觀劇章端已詞春雨足染就一溪新綠杜詩東閣

官梅動詩興還如何遜在揚州何郎見送何省齋

張敦復相國和韻蚤年逸興在滄浪水國移家髮半蒼但有一經揚子宅曾無千樹木奴莊清琴濁酒鶯花日雨笠烟蓑蟹稻鄉棠蔭漸高身漸隱已將心事託漁郎

題海虞孫子長七十壽圖

吳地記常熟縣北二里有海虞山江南通志孫

永祚字子長常熟人屢膺薦辟不就

春秋註就授生徒虞仲祠前一老夫烏几看雲吟箇閣

箇應作菌布帆衝雨醉菱湖空山撫操彈三峽故國興懷賦

兩都同輩半非身健在爲誰寫入煉丹圖

原注虞有徐神翁煉丹處

起結點壽字意中四句寫出子長身分○生徒見壽

王鑑明二統志虞仲祠在常熟縣虞山東北嶺上老

夫見送何省齋杜詩拂拭烏皮几看雲見虎邱圖謝

元暉詩隨山望菌閣布帆見虎邱卽事衝雨見殘畫

一統志龐山湖在吳江縣東三里下流爲菱湖宋書

隱逸傳宗少文好山水凡所游履皆圖之於室謂人曰

撫琴動操欲令衆山皆響三峽見哭志衍蘭亭序猶

不能不以之興懷班孟堅有兩都賦隋書沈光傳同

輩莫與爲比黃魯直詞身健在且加餐蘇州府志申

元道泰陵人師事徐神翁得修煉之道後來虞山築室

爲招真治又丹井在常熟治致道觀後相傳并有藏丹

致道觀在常熟縣西門內虞山南嶺下卽招真觀江南

通志徐神翁名守信泰州人白日

上昇有丹井遺蹟在徐州府蕭縣

吳詩集覽卷十五下

七言律詩五之下

觀蜀鵲啼劇有感

并序

蜀鵲啼者邱子嶼雪爲吾兄成都令志衍作也
志衍一官遠宦萬里嚴裝愛弟從行故人送別
上游梗塞盡室扶攜旣舍水而登山甫自滇而
入蜀北都覆沒西土淪亡身殉封疆家罹鋒鏑
觀劇見百草堂按唐詩正叅訂姓氏邱園字
嶼雪蘇州府人尤展成邱嶼雪遺像贊君善顧
曲梨園樂府吾和而歌紅牙畫鼓遠宦見短
歌嚴裝見閬州行愛弟見東萊行漢書

項籍傳地方千里必居上游注水之上流也秦

少游祈晴文道塗梗塞盡室見閬州行扶藹

見青門曲 舍水登山二句見哭志衍改途注

北都見贈袁蘊玉序書逝矣西土之人

封疆見遇南廂園叟更嗚呼三十六口痛碧

記秦楚之際月表銷鋒鏑

血之何存一百八盤招游魂而莫返無兒可托

有弟言歸竄身荆棘之林乞食狼獾之族望蠻

烟而奔走脫賊刃以崎嶇恥趙禮之獨全赤眉

何酷恨童烏之不免黃口奚辜爰將委巷之謳

展作巴渝之舞庾子山之賦傷心時方板蕩袁

山松之歌行路聞且唏歔

鎮洋縣志張獻忠破成都吳繼善被執全

家三十六口俱遇害時甲申十一月二十五日
也碧血見青門曲名山志南陵山在巫山
高大有路如綫盤屈至頂一百八盤招魂楚辭篇名易游魂為變詩言告言歸劉公幹
詩蠱身清漳濱漢書東方朔傳且盛荆棘之林
史記晉世家飢而從野人乞食猿獠見閬州
行張復之詩村連古洞蠻烟合崎嶇見磬
清湖後漢書趙孝傳弟禮為餓賊所得孝聞
之即自縛詣賊曰禮人餓羸瘦不如孝肥賊大
驚并放之赤眉見雁門尚書行法言育而
不苗者其吾家之童烏乎九齡而與我元文華
陽國志作楊烏淮南子古之伐國不殺黃口
不獲二毛晉書王恭傳尚書令謝尚因醉為
委巷之歌巴渝舞見閬州行子山傷心賦
王室板蕩生民塗炭晉書袁山松傳歌
行路難聽者莫不流涕希獻見直溪吏余也
老逐歡游閒逢浩唱在中年早傷於哀樂况昔

夢重感乎交朋豈獨伍相窮來憐者有同聲之

歎遂使雍門曲罷泣焉如亡邑之人瞻望兄兮

猶來思悲翁而不見蘭堂客散金谷詩成非關

聽伎之吟聊當懷人之什爾

蘇廷碩詩宸遊對此歡無極浩唱

見蔡清湖

世說謝太傳語王右軍曰中年傷

於哀樂與親友別輒作數日惡

張平子思元

賦發昔夢於木禾兮

吳越春秋子胥曰子不

聞河上歌乎同病相憐易同聲相應

桓譚新

論雍門周引琴而鼓之終而成曲孟嘗君遂唏

歔而就之曰先生鼓琴令文立若破國亡邑之

人也泣然見雕橋莊歌

詩瞻望兄兮又猶來

無死

漢鑄歌鼓吹曲有思悲翁詩自我不見

張平子南都賦揖讓而升宴於蘭堂

金谷

見老妓行

世說桓宣武嘗問孟萬年聽妓絲

不如竹竹不如肉何
也懷人見送志衍

花發春江望眼空杜鵑聲切畫簾通親朋形影燈前月

家國音書笛裏風百口悔教從鳥道一官催去墮蠶叢

雪山盜賊今何處腸斷笙篴曲未終

起句點明蜀鵲啼劇三四就觀劇時

虛寫五六就志衍寔寫結句咏歎仍帶觀劇在內○隋

煬帝有春江花月夜詩望眼見郊城曉發畫簾見無

題親朋見塗松晚發率令伯陳情表形影相弔杜詩

自笑燈前舞音書見雁門尚書行杜詩三年笛裏關

山月萬國兵前草木風百口見避亂鳥道見閬州行

公

一官見哭志衍蠶叢見山水圖歌後漢書班超傳

注西域有白山通歲有雪亦名雪山又見送張玉甲注

杜詩西山寇盜莫相侵笙篴見蕩子行曲終見贈文

其二

江關蕭瑟片帆留策馬俄成萬里游失計未能全愛子

端居何用覓封侯雲山已斷中宵夢絃管猶開舊日樓

二月東風歌水調鵲鵲原上使人愁

前半首志衍遠宦後半首觀劇○江

關蕭瑟見贈陸生片帆見送何省齋萬里游用武侯

萬里之行始於此矣詳驪山失計見歎王子彥愛子

見閬州行孟詩端居恥聖明王少伯詩悔教夫壻覓

封侯雲山見閬州行晉書祖逖傳每語世事中宵起

坐絃管見拙政園水調見琵琶行鵲

鵲原見贈錢臣展崔顥詩烟波江上使人愁

其三

平生兄弟劇流連高會南樓盡少年往事酒杯來夢裏

新聲歌板出花前
青城道士看遊戲
白髮衰翁漫放顛

雙淚正垂俄一笑
認君真已作神仙
原注劇中志衍兵解仙去起二句

是志衍生前事
三四是觀劇時後半首則所演之劇也

○南樓見送志衍入蜀
蘇詩低昂赴節隨歌板

統志青城山在成都府灌縣西南五十里
王匱經曰此

五大洞寶仙九室之天
隋李珣蜀人隱青城山為道士

後仙去唐明皇時封佑應保慈先生
遊戲見讚佛詩

杜詩如今白髮翁
又漫道春來好狂風大放顛
張文

昌詩還君明珠雙淚垂
王詩相逢方一笑
神仙傳郭

璞殞後三日南州市人見璞
王敦不信開棺無屍璞得

兵解之道今

為水仙伯

其四

過盡蠻江與瘴河
還家有弟脫兵戈
狂從劇孟千場博

老愛優旃一曲歌紅豆花開聲宛轉綠楊枝動舞婆娑

不堪唱徹關山調血汚游魂可奈何

此首專就事衍說卽哭志衍之所謂

一弟滿刀歸者也自第五句後於劇字意爲多○蠻江

見送曹秋岳還家見呈李太虛左傳隱十一年寡人

有弟劇孟見苑先齋中高達夫詩千場縱博家仍富

史記滑稽傳優旃者秦倡朱儒也善爲笑言一曲見

白燕吟紅豆見琵琶行注宛轉見宛轉橋綠楊見

避亂詩市也婆娑蘇詩離歌唱徹萬行啼關山見琵琶

行杜詩血汚游魂歸不得宋玉九辯君不

知兮可奈何史記項羽記雖不逝兮可奈何

尤展成蜀鵲啼詩跋易水和歌壯士爲之慷慨山陽

吹笛故交所以飲獻况乎國破家亡一門鬼錄生離

死別萬里人琴楚些有甚於招魂虞挽倍纏於思舊

在昔延陵公子官落珠江成都府君身糜玉壘遭黃

巾之搶攘致墨綬之流離丹青杜宇之祠碧化萑宏

之墓滄桑旣隔汗簡無傳爰有邱生聞之累息問弱

弟之奔喪傷心唳雁弔孤臣而流涕染血啼鵲撫遺
事於西川譜新聲於南部梅村先生每懷禾黍之悲
兼抱鵲鴒之痛危乎蜀道風烟重話瞿塘愴矣梨園
簫鼓如聞天寶陸士衡之哀永逝腸斷三生桓子野
之喚奈何情深一往白頭反袂青管題襟僕本恨人
感茲樂句讀曲而嘆令人對此茫茫賦詩以興正自
不能
已已

蠻江瘴河應從蘇詞蠻風瘴雨化出而輟耕錄
引陳剛中詩蠻烟瘴雨交州客亦用蘇詞也

題華山藥菴和尚畫像

原注和尚熊姓字魚山直
諫子杖不死後入道

統志華山在蘇州府吳縣西一名天池山魚山
見過三峯話舊明史熊開元傳崇禎四年授吏
科給事中盡發周延儒之隱帝乃廷杖開元繫
獄十七年正月遣戍杭州福王召起原官丁母
艱不赴唐王連擢至隨征東閣大學士乞假
歸汀州破棄家爲僧隱蘇州之靈岩以終

清如黃鵠矯如龍浩劫長摺不壞松四國雞壇趨北面

千年雪嶺啟南宗原注西銘復社漢月禪燈皆師令吳江時身所興起江湖夙世

歸梅福經卷殘生繼戴顒評論總銷隨諫草故人已隱

祝融峯原注繼公隱南嶽藥公本師也起二句作像

雙結○首句見茸城行浩劫見呈李太虛正韻摺梧

也亦作枝蘇詩下有至人僵不壞北戶錄越人每相

交作壇祭以白犬丹雞盟曰卿若乘車我戴笠後日相

逢下車揖我若步行君乘馬後日相逢馬當下戰國策

郭隗對燕昭王曰北面而受學則百已者至雪嶺見

送張玉甲南宗見讚佛詩注復社事寔文社始天啟甲

子合吳郡金沙橋李僅十有一人首張溥天如崇禎初

嘉魚熊開元宰吳江進諸生而講藝於時孟璞里居結

吳翺扶九吳允夏去盈沈應瑞聖符肇舉復社按溥即

西銘見哭志衍漢月見遇具和尚陸務觀詩一盞吳

僧夜講燈

蘇州府志熊開元崇禎元年任吳江知縣

王詩宿世謬詞客梅福見讀西臺記

蘇詩經卷藥

爐新活計殘生見贈遼左故人戴顒見閬園詩

杜詩

避人焚諫草

又故人昔隱東蒙峯湘州記祝融峯上

有青玉壇方五丈繼公見送入天台梅村復社紀事熊

魚山流離南國削髮祝融峯下攜榔栗來吳中縛禪靈

隱山寺號藥菴

和尚今無恙

沈永令字聞人贈藥菴禪師浮生閱盡幾滄桑獨臥

寒雲擁竹床百鍊身猶餘鐵石萬言字尙挾風霜列

朝文獻徵遺史一代天龍護法王士

女爭來瞻瑞相使君故是宰河陽

其二

西南天地嘆無歸漂泊干戈愛息機黃蘗禪心清磬冷

白雲鄉樹遠帆微全生詔獄同官在

原注指姜如農

乞食江城

故老稀

原注松陵

布衲綻來還自笑篋中血裏舊朝衣

此首就入

道說鋪敘周到○杜詩飄泊西南天地間

又即今飄

泊千戈際愛息機見壽李太虛

沈遼詩裴休自參黃

藥禪清磬見宿福源精舍

錢仲文詩斜日背鄉樹梁

簡文帝詩前觀遠帆稀

劉文房詩全生天地仁詔獄

見殿上行同官見送同官出牧明史吳兌傳崇禎末給

事中姜垓行人司副熊開元以言事同目繫詔獄帝欲

置之死吳邦輔故緩其獄帝怒稍解令嚴訛主使者邦

輔乃畧訊卽具獄上詔予杖百二人由是獲免又姜垓

傳熊開元亦以建言下錦衣衛帝怒兩人甚密旨下衛

帥駱養性令潛斃之獄養性懼以語同官同官曰不見

田爾耕許顯純事乎養性乃不敢奉命乞食見行路

難杜詩江城含變態吳地記松江一名松陵江通志松

江一名吳淞江按松江自太湖分流入吳江縣界藥菴

曾官吳江故老應泛言非專指太傅金之俊也詩召彼

故老沈泰鴻詩女散天花布衲香綻見謝贈道衣自

笑見懷陳直方篋中見壽李太虛血裏朝衫見東萊

行

明史馮元颺傳熊開元欲盡發延儒罪元颺沮止之
開元以是獲重譴竹垞詩話爰書旣上人皆疑思陵
曲護宜興獨尹樞部宣子謂思陵時已恚宜興命魚
山具疏者度必列欵欲據之便按問及見疏乃曰如
此不痛不癢思雨邊作好人耶蓋寔怒其不力叅而
反以誹謗大臣爲罪非思陵本意也按魏叔子敬亭
山房記亦謂魚山以持兩
端得罪附錄之以廣異聞

戊申上已過吳興家園次太守招飲郡圃之愛山

臺坐客十人同修禊事余分韻得苔字

戊申康熙
七年湖州

府志愛山臺在府治後西北隅宋郡丞汪泰所
創取東坡尙愛此山看不足之句名之知府吳
綰重修

修

六客堂西楔飲臺亂山高會嘯歌開塔懸津樹雨中出

鐘送浦帆天際來同輩酒狂眠怪石前賢墨妙洗蒼苔

右軍勝集今誰繼仗有吾家季重才

三四高唱楔飲勝集相應結更歸重

園次○一統志六客堂在湖州府治圃中愛山臺在六

客堂之右

亂山見歲暮送苑先高會見遇劉雪舫詩

其嘯也歌

唐元宗詩春來津樹合王詩雨中春樹萬

人家

西湖志有遠浦歸帆此借用天際見石公山

同輩見壽孫子長酒狂見簡許九日天上隱者詩高枕

石頭眠畫鉛松怪石

前賢見讀西臺記一統志墨妙

亭在湖州府治內子瞻墨妙亭記熙寧四年高郵孫莘

老守吳興明年作墨妙亭於府治之北取凡境內自漢

以來古文遺刻以寔之蒼苔見讚佛詩

右軍見壬辰

補襖勝集見癸巳楔飲季詩誰人今繼作

季重見贈

吳錦

雲

按徐原一題梅村愛山臺上已宴序卷云會者十有二人而余其一先生所以有孝穆之句今十二人莫可詳而孝穆句亦不載於集中則梅村逸詩豈少也哉湯潛菴贈吳湖州詩仙郎起草最知名幾載塞帷雪上行按部雨餘香稻晚課農花發曉雲輕南宮書畫添新譜李相亭臺續舊盟聞道賓朋常滿座清尊真見古人情

立夏日陪園次郡伯過孫山人太白亭落成置酒

分韻得人字

按梅村作記在三月二十六日明史隱逸傳孫一元字太初不知何許

人問其邑里曰我秦人也嘗棲太白之巔故號太白山人或曰安化王宗人王坐誅故變姓名避難也陝西通志孫一元平涼人左傳昭七年楚子成章華之臺願與諸侯落之

春盡山空鶴唳頻亂雲歸處鎖松筠江湖有道容奇士

關隴無家出俊人招隱起亭吟社客散仙留家醉眠身

一瓢零落殘詩在誰伴先生理釣緝

首句紀時次句暗寫亭字中四句切

定太初層層寫出結句懷古○鶴唳見葺城行黃魯

直詩何如零落亂雲中雲歸見謁剖公王詩閉門終日

鎖松筠杜詩文章有神交有道奇士見贈穆苑先

關隴見送杜豈武中說或問蘇綽子曰俊人也晉書

王徽之傳詠左思招隱詩池北偶談宋末浦江吳渭倡

月泉吟社賦田園雜興近體詩名士謝鄭輩第其高下

詩傳者六十一人清新尖刻別自一家按吟社客指山人

非指置酒分韻者明史劉麟以知府罷歸龍霓以僉事

謝政竝客湖州與郡人故御史陸昆善而長興吳琬隱

居好客因招一元八社稱茗溪五逸是也散仙見讚

佛詩追陪注一元傳卒年三十七琬等葬之道場山梅

村修孫山人墓記太初絕婚宦自稱有羽化術太初死

人皆以爲仙去江山周光祿曰太初固不死試與公等

發其冢必空棺醉眠見壽孫孝維唐詩紀事唐球人

稱爲唐隱居爲詩然橐爲圓納大瓢中臨歿投瓢於江
曰斯文苟不沉沒得者方知吾苦心爾至新渠有識者
曰唐山人瓢也一元傳攜鐵笛鶴瓢遍遊中原所
至賦詩談神仙論當世事杜詩飄零且釣緝
梅村修孫山人墓記吳公由工部郎爲吳興守江南
之揚州人共事者有郡丞大興于公垠通守靜樂姚
公時亮是日同遊者御史歙縣方漣吳公雯清司理
長洲旣庭宋君實頴孝廉江寧仲調白君夢鼐崑山
原一徐君乾學貴陽辰六越君
閩而余則太倉吳偉業梅村也

得友人札詢近况詩以答之

溪堂六月火雲愁支枕閒窗話貴游王令文章今日進
邱公仕宦早年休道衰薄俗甘棲遁才退殘書勉勘讐
京雒故人聞健飯黃塵騎馬夾城頭

以詩代書妙能達
所欲言○溪堂見

送周子似火雲見遇南廂園叟 支枕見蚤起間窗見
 觀山水圖歌貴游見遇南廂園叟 三四句見行路難
 其八 史記平準書不得仕宦為吏 薄俗見磬清湖
 晉書郗超傳超性好聞人棲遁 才退見行路難注殘
 書兄王菴看梅按勘讐即校讐意校讐見壽龔芝麓
 張正言詩故人京洛滿按健飯即強飯意強飯見蛤蚧
 黃塵見青門曲杜詩騎
 馬欲雞棲夾城見殿上行

八風詩并序

余消夏小園風塢然而四至雖泠泠可以析醒
 已疾而淒其怒號不能無爰居之思避其庶人
 之雌風乎聊廣其意作為此詩莊列寓言沈謝
 作賦庶以鳴候蟲而諧比竹若云俟諸輶軒則

此不足採也

左傳林注八方之風東北曰條風又名融風東方曰明庶風東南曰

清明風南方曰景風又名凱風西南曰涼風西方曰閭闔風西北曰不周風北方曰廣莫風

陸魯望詩銷夏復銷憂小園見閭闔詩序宋

玉風賦塤然起於窮巷之間又清清冷冷愈

病析醒詩凄其以風莊子作則萬族怒號

國語海鳥曰爰居止於魯東門之外三日展禽

曰今茲海其有災乎夫廣川之鳥獸常知而避

其災也是歲也海多大風風賦此所謂庶人

之雌風也史記楚世家臣所以許王以廣王

意也案天禽蟲詩序莊列寓言風騷比興

秋蕭子人籟則比竹是已柳子厚詩門掩候蟲

命太史陳詩以觀民風

後漢書李郃傳觀採風謠

其一

東風

汴水楊花撲面迎飄飄飛過雒陽城陶潛籬畔吹殘醉

宋玉墻頭送落英油壁馬嘶羅袖舉綠塘波皺畫簾聲

獨憐趙后身輕甚斜倚雕闌待月生

通首俱含東字第八句入妙○蘇詩

無情汴水自東流武昌妓續韋蟾詩武昌無限新栽柳

不見楊花撲面飛歸去來辭風飄飄而吹衣接一統

志汴水自河水分流東經開封歸德二府入江南徐宿

二州界是汴水不過雒陽也然河南府東至開封府汜

水縣界一百六十里詩止謂風吹楊花由東而西耳

陶詩採菊東籬下百詩起因殘醉醒宋玉登徒子好

色賦臣里之美者莫若臣東家之子然此女登墻闥臣

三年至今未許也落英見鴛湖曲油壁見圓圓曲韋

端已詩朱鬢馬嘶楊柳風司馬長卿美人賦羅袖拂臣

示溫飛卿詩綠塘搖艷接星津馮延巳詞風乍起吹

皺一池春水畫簾見無題
漢書外戚傳孝成趙皇后號曰飛燕李義山詩趙后身輕欲倚風
籠坐到明雕闌見後東臯歌歐陽
永叔詞闌干倚處待得月華生
白詩斜倚薰

其二

南風

玉尺披圖解慍篇相為高指越裳天終南雲出松檜響

雙闕雨飛鈴索懸師曠審音吹不競鍾儀懷土操誰傳

九疑望斷黃陵廟曾共湘靈拂五絃
起結相應五六入妙○玉尺見楚雨

生行子山馬射賦序舜以甲子之朝披圖而巡洛家語
南風之薰今可以解吾民之慍兮
西京雜記長安靈臺相風銅鳥有千里風則鳴後漢書南蠻傳交趾之南
有越裳國周公居攝越裳以三象重譯而獻白雉白虎

通德至八方即祥風至中律調四夷化越裳來詩終

南何有一統志終南山在西安府城南五十里蘇子由

詩掃地開門松檜香雙闕見讀史雜感儲光義詩桃

花隨雨飛韓致光詩夜久忽聞鈴索動王堂西畔響丁

東左傳襄十八年師曠曰南風不競楚必無功禮審

音以知樂左傳成九年晉侯觀於軍府見鍾儀使與

之琴操南音公曰樂操土風不忘舊也登樓賦人情同

於懷土兮羅含湘中記九疑在營道縣與北山相似

行者疑惑故名之李義山詩望斷平時翠輦過黃陵廟

見贈家侍御楚辭令湘靈鼓瑟兮禮昔者舜作五絃

之琴以

歌南風

其三

西風

落日巴山素女秋梧宮蕭瑟唱凉州白團掌內恩應棄

絳蠟窗前淚未收隴坂征夫蘆管怨王關思婦杵聲愁

可堪益部龍驤鼓獵獵牙旗指石頭

五六工穩○巴山見卽事其十

記封禪書太帝使素女鼓五十絃瑟悲帝禁不止破其

瑟爲廿五絃張如哉曰謝莊月賦集素娥於后庭注婦

娥曰素娥此詩素女是借作素娥用非封禪書之素女

也梧宮見圓圓曲注唐書禮樂志天寶樂曲皆以邊

地名若涼州甘州伊州之類涼州曲本西涼所製也

按三句用班婕妤好怨歌行皎潔如霜雪團團似明月常

恐秋節至恩情中道絕等句意葛長庚詞夜迢迢銀

臺絳蠟伴人垂淚張平子詩欲往從之隴坂長征夫

見松山哀李君虞詩不知何處吹蘆管一夜征人盡望

鄉玉關見行路難思婦見圓圓曲高達夫詩寒城砧

杵愁按陳承祚有益部耆舊傳宋子京有益部方物

記晉書王濟傳重拜益州刺史修舟檻起樓櫓拜龍驤

將軍監益涼諸軍事伐吳順流鼓棹入于石頭孫皓面

縛降初詔使濟受王渾節度及濟至秣陵王渾遣信要

王渾

令暫過論事濬舉帆直指報曰風利不得泊也劉夢得
詩王濬樓船下益州金陵王氣黯然收千尋鐵鎖沉江
底一片降幡出石頭鮑詩獵獵晚風道張平子東京賦牙旗續紛

其四

北風

萬里扶搖過白登少卿書斷雁難憑蕭梢駿尾依宛馬

颯爽雄姿刷代鷹野火燒原青海雪驚沙擊面黑河水

愚公墜戶頭如蝟傳道君王獵霸陵切合北字處最佳

上者九萬里一統志白登故城在大同府陽高縣南

李少卿答蘇武書時因北風復惠德音按雁難憑兼用

蘇武傳天子射上林中得雁足有繫帛書言武等在某
澤中杜詩駿尾蕭梢朔風起漢書張騫傳天子好宛

馬使者相望於道張如哉曰此句用胡馬依北風意
壯詩雄姿未受伏捭恩又代北有豪鷹野火見海戶
曲書若火之燎于原青海見贈家侍御驚沙拂面見
琵琶行黑河見贈吳季子愚公見松鼠詩塞向墜戶
如蝟見讀西臺記史記袁盎傳
文帝從霸陵上欲西馳下峻坂

其五

東南風

紫葢黃旗半壁中斗牛斜直上游通漫分漢沔魚龍陣
須仗江湘烏鵲風捩柁引船濡口利禡牙揮扇豬圻功
試看片刻周郎火一捲曹公戰艦空原注三國志周瑜傳注黃蓋取輕艦
十舫載燥荻枯柴建旌旗于上時東南風急同時發火
燒盡北船曹公退走斗牛句最佳以其切而雅也○

玉甲晉書天文志州郡驪次斗牽牛須女吳越揚州

上游見蜀鵲啼序一統志督軍壇在漢中府沔縣東

南是亮宿營處營東卽八陣圖也按人陣無魚梅村葢

以陣半在水中如魚龍潏潏耳漢書揚雄傳橫江湘

以南涯兮曹孟德樂府烏鵲南飛振柁見二十五日

詩引船見西田詩其二濡須見江上詩是類是禡朱

禡禡祭始造軍法者謂黃帝及蚩尤也宋史禮志太宗

征河東遣右贊善大夫出郊用少牢一祭蚩尤禡牙唐

書武儒衡傳儒衡揮以扇一統志赭圻城在太平府繁

昌縣東四十里晉桓溫所築赭圻嶺在

繁昌縣西三十里戰艦見葦城行

張如哉曰此首通就吳志說三四句言赤壁之戰雖

有葛相陣圖須仗周郎風便五句以孫權十八千濡

須之戰陪說六句揮扇又指葛相卽東坡詞羽扇綸

巾談笑處檣櫓灰飛烟滅意赭圻卽赤壁也七八句

點醒周郎東

南風作結

其六

西南風

武帝雄圖叩笮開相如馳傳夜郎回巴童引節旌旄動

夔馬隨車塵土來堯女尙應愁赭樹

原注史記秦皇西南渡淮水浮江至

湘山祠逢大風幾不得渡知是堯女使刑徒伐湘山樹赭其山

楚王從此怕登臺小臣

欲進乘槎賦萬里披襟好快哉

張如哉曰此首通就漢武說因唐蒙畧通西

南夷故前四句用相如馳傳事而得力處在一回字蓋由西南而之東北故謂之西南風也巴童夔馬與叩笮夜郎皆點染西南引節隨車俱跟馳傳旌旄從節字生出塵土從車字生出動字來字俱從回字生出切合風字意結用張騫事亦以騫盛言大夏在漢西南天子乃令王然于柏始昌呂越人等十餘輩間出西南夷也○

晉書武帝紀贊斷雄圖于議表邛笮見哭志衍相如
馳傳見送志衍入蜀注夜郎見訪文學博鮑詩燕姬
色沮巴童心耻注巴童善舞者旌旄見避亂漢書西
南夷傳巴蜀民或竊出商賈取其笮馬犍僮旌牛李正
封詩九陌無塵土風賦楚襄王游於蘭臺之宮宋玉
景差侍有風颯然而至乘槎見七夕卽事注風賦
王乃披襟而當之曰快哉此風

其七

東北風

飛廉嫖怒向人間徐福求仙恨未還萬乘雨休封禪樹
原注史記封禪書始皇上太八神波斷羨門山原注史
山遇暴風雨休於大樹下三神山
在渤海中患且至則船引風而去始皇時方士皆以風
爲解又八神皆在齊北成山斗入海最居齊東北隅

蕭蕭班馬東巡海發發嚴旌北距關錯認祖龍噫氣盛

蓬萊咫尺竟誰攀

張如哉曰此首通就秦皇說中四句分合八妙○漢書武帝紀注蜚廉

神禽能致風氣者也風俗通飛廉風伯也風賦激揚標

怒仙傳拾遺徐福字君房秦始皇聞東海中祖洲有

不死之草乃遣福乘樓船入海尋祖洲不返按史記作

遣徐市發童男女數千人入海求僊人詩蕭蕭馬鳴

左傳襄十八年有班馬之聲注班別也秦始皇紀二十

九年登之罘刻石其辭曰皇帝東游巡登之罘臨昭於

海詩匪風發兮朱子詩傳發發盛貌書距四海傳距

至也秦始皇紀伐湘山樹赭其上上自南郡由武關歸

應劭曰武關秦南關祖龍見下相懷古莊子夫大塊

噫氣其名爲風蓬萊見東萊行咫尺見送何省齋

其八

西北風

沛公親作大風歌往事彭城奈楚何身陷重圍逢晦冥

母迴切

天留數騎脫干戈

原注史記項王圍漢王三匝大風從西北起折木發屋揚

沙石竄冥晝晦楚

威加河朔金方整地遶幽并殺氣多

好祭蚩尤耐風伯飛揚長護漢山河

張如哉曰此首通就漢高說前半

首引古今合寫五六分寫結不傷雅

○一統志沛宮在徐州府沛縣東南一里大風歌見東萊行注

一統志彭

城故城今徐州府治奈楚何翻用垓下歌可奈何奈若

何大風歌威加海內兮歸故鄉河朔見哭志衍晉書

載記姚弋仲越自金方言歸石氏

幽并見遇劉雪舫

殺氣見松山哀

述異記蚩尤氏兄弟七十二人銅頭

鐵額食鐵石今冀州人掘地得髑髏如銅鐵者即蚩尤

之骨也史記正義風伯字飛廉

大風歌大風起兮雲

飛揚李義山詩風雲長為護儲胥

史記項羽記關中阻山河四塞

贈同年嘉定王進士內三

〔一統志〕嘉定縣在太倉州南三十六里嘉定縣

志王泰際字內三崇禎辛未進士撫按相繼勸駕皆辭弗應隱居逾三十年而歿

槎浦岡頭自種田居然生活勝焦先赤松採藥深山隱

白鶴談經古寺禪孺仲清名交宦絕彥方高行里閭傳

曲江細柳新蒲綠回首銅龍對策年

寫出內三家食之吉結句點同年意

○〔一統志〕槎浦在嘉定縣南三十里有上槎中槎下槎

三浦莊子居然不免于患〔北史〕胡叟傳家於密雲惟

以酒自適謂友人金城宗舒曰我此生活似勝焦先

赤松見寄當事諸老採藥見襄陽注〔參同契〕御白鶴

駕龍鱗遊太虛謁仙君談經見壽李太虛〔常建詩〕清晨

入古寺〔後漢書〕逸民傳王霸字孺仲太原廣武人也

少有清節王莽篡位棄冠帶絕交宦建武中徵到尚書

拜稱名不稱臣以病歸連徵不至〔又〕獨行傳王烈字

彦方以義行稱鄉里有盜牛者王得之盜請罪曰刑戮
是甘乞不使彦方知也杜詩春日潛行曲江曲又細
柳新蒲爲誰綠銅龍見遇南廂園叟漢書公
孫宏傳宏至太常上策詔諸儒對者百餘人

其二

翠竹黃花一草堂柴門月出課畊桑蘇林投老思遺事

譙秀辭徵住故鄉彊飯却扶芒屨健高歌脫帽酒杯狂

莫嗟過眼年光易征調初嚴已十霜

亦爲家食之吉三四七八用意○傳

燈錄青青翠竹總是法身鬱鬱黃花無非般若杜詩萬
里橋西一草堂柴門月出見避亂畊桑見遇南廂園
叟魏畧蘇林字孝友文帝作典論所稱蘇林者是也
以老歸第國家每遣人就問之數加賜遺年八十餘卒
投老見西田詩遺事見琵琶行晉書譙秀傳字元彦
巴西人也知天下將亂預絕人事雖內外宗親不與相

見郡察孝廉州舉秀才皆不就及李雄據蜀畧有巴西
雄叔父驤驤子壽皆慕秀名具束帛安車徵之皆不應
疆飯見蛤蜊按却扶猶擲杖也蘇詩草露濕芒屨
杜詩脫帽露頂王公前年光過眼見壽龔芝麓注
征調見雜感賈閱仙
詩客舍并州已十霜

其三

先生吟社夜留賓紫蟹黃雞甕同春萬事夢中稱幸叟

一家榜下出閒人

原注內三及二子皆科第而不仕

君房門第多遷改

叔度才名固絕倫

原注指上谷江夏

青史舊交餘我在北窗猶

得芹烏巾

此首所詠者大詞意幾美○吟社見太白亭落成留賓見壽王子彥

羅昭諫詩盈盈紫

蟹于卮酒杜詩西風白酒與黃雞既江逸志唐人酒多以春得名如拋青春松醪春之類
蘇詞萬事到頭皆

是夢 劉夢得詩永日屬閒人 君房見讀西臺記

後漢書黃憲傳字叔度才名見壽龔芝麓絕倫見哭志

衍按上谷江夏乃侯黃之族望如以王為瑯琊李為隴

西之類 青史見又詠古舊交見送周子叔 史記魏其

武安侯傳我在也 北窗見二十五日詩陸

務觀詩又向沙頭岸幅巾杜詩頭戴小烏巾

按五六句指豫瞻蘊生也明史侯峒曾傳字豫瞻嘉

定人天啟五年進士召為順天府丞未赴而京師陷

福王時用為左通政辭不就及南京覆州縣多起兵

自保偕里人黃淳耀等誓死固守城大崩 大清

兵入峒曾拜家廟挈二子元演元潔竝沉八池明詩

綜侯岐曾字雍瞻峒曾弟以陳子龍事牽連執之松

江遇害明史黃淳耀傳字蘊生嘉定人崇禎十六年

進士南都亡嘉定亦破自裁于城西僧舍所作詩古

文悉軌先正卓然名家則豫瞻之門第其零落已不

可問而蘊生之才名與理學忠義俱絕倫矣內三與

侯黃同縣故梅村因內三而及之 君房叔度上谷江夏隱其姓也

其四

晚歲風流孰似君烏衣子弟總能文

弟集作第非

青箱世業

高門在白髮遺經半席分正禮雙龍方矯角釋奴千里

又空羣外家流輩非容易肯信衰宗有右軍

此首就子弟說兼點

戚誼○晚歲見贈家侍御

烏衣見白燕吟杜詩稚子

總能文

青箱見觀通天帖杜詩世業豈沉淪高門見

彈琴歌

宋史程顥傳得不傳之學於遺經半席分見

余山

三國志劉繇傳繇字正禮兄岱字公山陶邱洪

薦繇於兖州刺史欲令舉茂才刺史曰前年舉公山奈

何復舉正禮洪曰所謂御二龍於長塗騁騏驎於千里

退之柳子厚墓誌嶄然見頭角

北史盧昌衡傳昌衡

小字龍子弟思道小字釋奴宗中稱英妙故幽州語曰

盧家千里釋奴龍子空羣見維夏北行

外家見永和

宮詞白詩須知流輩年年失

世說司空顧和與時賢

共清言張元之顧敷是中外孫顧公曰不意
衰宗復生此寶季義山詩嫁女今無王右軍

大中丞心康韓公九月還自淮南生日爲壽

中丞見東

臯草堂歌蘇州府志韓世琦字心康本蒲州人
明大學士鑛曾孫世琦隸旗籍爲遼人康熙元
年由順天巡撫移撫江南懲前政之弊加
意拊循日進士民詢以利病次第舉行

閨闔清秋爽氣來尙書新自上游回八公草木登高宴
九日茱萸置酒臺兵食從容經久計江淮安穩濟時才

尊前好唱南山曲笳鼓西風笑語開

前半首九日還自淮南後半首大中

承生日○司馬長卿大人賦排闥闔而入帝宮韋昭注

闥闔天門也清秋見贈家侍御晉書王徽之傳致有爽

氣韓詩相公新破蔡州回上游見蜀鵲啼序晉書

載記苻堅傳北望八公山上草木皆類人形曰此亦勅

敵也登高九日茱萸見簪清湖茱萸注置酒見王郎曲
三國志鄭暉傳終有魚稻經久之利 安穩見懷陳

直方杜詩艱危深仗濟時才 尊前見老
妓行詩如南山之壽 笳鼓見送吳贊皇

贈李膚公五十

梅村李忠毅公神道碑公諱應昇字仲達子遜之邑廩生魏叔子落

落齋記江陰李忠毅公有賢子曰膚公當國變棄諸生性疎懶不治事而獨好學以詩文自娛入其齋書帙縱橫凝塵滿席膚公方吟哦不輟

先德傳家歷苦辛汗青零落剩閒身雲山笑傲容遺叟

松菊招尋見故人猶有田園供伏臘豈無書卷慰沉淪

只看五月開樽宴撥刺江魚入饌新

寫出世德傳家結點壽意○明史李

應昇傳授御史楊漣劾魏忠賢得嚴旨應昇憤即抗疏繼之明年曹欽程劾應昇護法東林遂削籍忠賢恨未

已逮下詔獄酷掠坐贓三千尋斃之年甫三十四傳家
見觀法帖苦辛見贈穆苑先汗青見東萊行零落見
避亂閒身見虎邱夜集圖雲山見閬州行笑傲見閬
園詩接遺叟猶遺老也遺老見寄當事諸老招尋見
河渚圖漢書傷悼傳歲時伏臘杜詩風牀展書卷
沉淪見遇劉雪舫開尊見壽龔孝升杜詩船尾跳
魚撥刺鳴入饌見贈遼左故人

庚戌梅信日雨過鄧尉哭剖石和尚遇大雪夜宿

還元閣

庚戌康熙九年歲時記始梅花終棟花凡二十四番花信風東臯雜錄云江南自初

春至初夏有二十四風梅花風最先棟花風最

後一統志鄧尉山在吳縣西南七十里漢有

鄧尉者隱此故名蘇州府志剖石如天山塔

院大雄天王二殿大悲壇還元閣祖堂法堂四

宜堂次第鼎新跌坐而逝壽七十

二自此以下六首原目俱不載

筍輿衝雨哭參寥宿鳥啾鳴萬象凋北寺九成新妙塔

原注師修報

恩塔初成

南湖千頃舊長橋雲堂過飯言猶在

原注去歲

與師同

飯山閣雪夜挑燈夢未消最是曉鐘敲不寐半天松栝

影蕭蕭

通首俱就梅村自己說方見情致○筍輿見二

詩花枝宿鳥喧萬象見鑿清湖

蘇州府志太傅金之

俊復延剖石修北寺古塔三載告成還山王文考魯靈

光殿賦漸臺臨池層曲九成妙塔見遇南廂園叟南

湖見讀西臺記何仲言詩水影漾長橋

雲堂見晤陸

紫霞言猶在見咏山茶花

挑燈見後東臯歌戴幼

公詩相留畏曉鐘

杜詩高柳半天青松栝見雒陽行

其二

投老相期共閉關

原注師有招在山中之約

影堂重到淚潺潺身居

十地莊嚴上原注師初刻華藏圖道出三峯元要間壤納風光青

桂冷原注四宜堂殘經燈火白雲閒吾師末句分明在

雪裏梅花雨後山三四句就剖石說餘俱是梅村目中意中語○投老見西田詩閉關見維

摩楓林絕勝影堂見蒼公塔潺湲潺湲見讚佛詩唐太

宗三藏聖教序微言廣被拯舍類於三途遺訓宣導

羣生於十地莊嚴見贈蒼雪注三峯見三峯秋曉元

要見過甫里謁願公注皮襲美詩雲侵壤納重隈肩

李巨山詩人日風光覺倍饒李詩青桂遙隱月劉文

房詩殘經窗下依然在燈火見塗松晚發李遠詩一片

閒雲萬里心吾師見贈願雲師分明見七夕感事

林君復梅花詩雪後園林纔半樹劉文房詩雨後山光

滿郭青按末句似舉剖石

詩因詩與境合而及之

送許堯文之官蒲陽

天清一統志興化府蒲田縣附郭程迓亭曰堯文名

煥順治丁亥進士出

莆陽陞嘉興知府

烏石烟巒列畫圖雙旌遙喜入名都路經鷗嶺還龍嶺

符剖鴛湖更鯉湖訪舊草堂搜萬卷吟詩別墅補千株

知君不淺絃歌興別有高樓起望壺

多用莆陽地理妙切之官○一統志

烏石山在莆田縣東北洪武初闢城始圍其半於城內

烟巒見九峯草堂歌

錢仲文詩林木隱雙旌名都見

行路難其十七

按尤展成雁聲賦鷗嶺上愁何極

未詳其地

一統志龍溪嶺在安慶府宿松縣西北侯考

漢書高帝紀與功臣剖符作誓鴛湖見鴛湖曲侯考

一統志鯉湖在興化府仙遊縣東北

孟東野詩訪舊

無一人一統志夾漈草堂在莆田縣西北薌林山宋鄭

樵讀書處

又歐陽詹別墅在莆田縣北福平山下千

株見礬清湖

晉書庾亮傳老子於此興復不淺

一統志壺山堂在莆田縣治前有壺公山故名壺公山在

莆田縣南昔有人隱此遇一老人引於絕頂見宮闕臺殿曰此壺中日月也故名

其二

榕陰五馬快驂驪親到游洋古越南抹麗香分魚魷細

魷音審荔支漿勝橘奴甘鮫宮月映浮春嶼蜃市烟消見

夕嵐此去褰帷先問俗上溪秋色正堪探與前首同妙

芮公五馬見京江送遠圖張道濟五馬詞擊石驂驪紫燕

一統志游洋溪在興化府仙遊縣東北興化府周

爲七閩地後屬越抹麗見茉莉集韻魷魚子荔支

漿見永和宮詞橘奴見閩園詩注李義山詩大海龍

宮無限地一統志大孤嶼在莆田縣東七十里海上平

田中突起一阜小嶼在莆田縣東南嵩山南海中潮退

有石橋可度居民千家唐宋遺事張昌儀恃寵請託

如市李湛曰此海市蜃樓比耳襄廼詩夕嵐無處所

後漢書賈琮傳刺史當遠視廣聽糾察美惡何垂帷裳
以自掩乎命褰之間俗見送郭宮贊

〔一統志〕上溪在

莆田縣

西二里

按一統志海在莆田縣東南
八十里故五六句用海事

感舊贈蕭明府

余年三十有一以巳卯七月奉命封延津孟津
兩王於禹州過汴梁登梁孝王臺適學使者會
課屬郡知名士於臺上因與其人諮訪古蹟徘徊
徧久之而後行逾三十三年雒陽蕭公涵二從
道臣左官來治吾州拭目驚視云曾識余則蕭

公乃臺上諸生中一人也感舊太息爲賦此詩

按梅村以萬歷三十七年生至崇禎十二年已卯三十一歲矣

封延津孟津兩王於禹州見

清風使節圖序

汴梁見凌烟圖歌

梁孝王

臺見行路難其七

按自崇禎十二年至康

熙十年三十三年矣

河南府志洛陽縣明舉人

蕭應聘仕至河東道副使

漢書諸侯王表序

注應劭曰人道尙右今舍天子而仕諸侯故謂

之左官按從道臣左官蓋由河東而至太倉也

三十張旌過大梁繁臺憑眺遇蕭郎

繁音波

黃河有恨歸

遺老朱郎何人問故王授簡肯忘羣彥會棄繻誰識少

年裝長卿駟馬高車夢臥疾相逢話草堂

感舊處層層寫出情詞俱

佳○更記武帝紀張羽旗廣雅張施也大梁見清風使

節圖序

繁臺見送沈繹堂張子壽詩憑眺茲爲美蕭

郎見寄周芮公薛陶臣詩微波有恨終歸海遺老見寄當事諸老張如哉曰黃河有恨謂闖賊決河灌開封也玉海郡國朝宿之舍在京者謂之邸朱邸邸有朱戶也授簡見閬園詩序蔡伯喈詩濟濟羣彥如雲如龍棄繻見送友人從軍注按第七句合相如乘傳題橋事而用之也乘傳見送志衍入蜀華陽國志成都城北十里有昇仙橋司馬相如初入長安題市門曰不乘赤車駟馬不過汝下臥疾見贈家侍御

同孫浣心郁靜巖家純祐過福城觀華嚴會浣心靜巖

純祐并已見蘇州府志福山鎮去常熟縣北三十六里有城周三里隋書經籍志義熙中沙門支法領從于闐國得華嚴經三萬六千偈至金陵宣譯

不求身世不求年二六時中小有天今日雲門纔喫棒多生山谷少安禪茶鑑藥臼隨時供蒲筍蕉團到處眠

撒手懸崖無一事經聲燈火覺王前

此梅村逃禪之作筆意亦頹然自放

矣○身世見壽王鑑明許魯齋詩服藥求長年

曹詩

周流二六候茅君內傳大天之內有洞三十六所第一

王屋山之洞園萬里名曰小有清虛之天楊仲宏詩欲

學無爲道來居小有天一統志雲門寺在紹興府會稽縣雲門山王獻之居此晉宏明山陰人止雲門寺誦

法華經瓶水自滿有童子自天而下以供使令傳燈錄

洛浦在夾山倣典座三年喫百頓棒後來大悟丁復詩

斂奪雲門棒張文昌詩多生修律業張如哉曰黃山

谷喜作詩法雲秀誠之曰筆墨勸淫乃欲墮泥犁中耶

山谷曰空中語也句意用此王詩安禪制毒龍釋惠

崇詩嘗茶月入鑑百詩石凹仙藥白南方草木狀蒲

葵如旂欄而柔薄可爲笠一統志蕉布福州府泉州府

建寧府永春州出僧清珙詩望見險巖多退步有誰

撒手肯承當楞嚴經譬如有人談說酢梅口中出水思

蹋懸崖足心酸澁張復之詩獨幸太平無一事經

聲見禮蒼公搭燈火見塗松晚發覺王見讚佛詩